

# UniMAP RAIH RM410K

## NILAI PERLESENAN 5 IP

Oleh : Mohd Basri Basir

Pauh Putra , 9 April – Universiti Malaysia Perlis (UniMAP) berjaya meraih RM410,000.00 nilai perlesenan bagi lima harta intelek (IP) universiti setelah menyerahkan hak IPnya kepada lima buah syarikat. Lima IP tersebut adalah bagi produk Mangga Green House Mango Scheduler; A Television Wide Space Spectrum (TVWS Antenna System); A Flying Apparatus for Aerial Agriculture Application; A Detachable Power Driven For Wheel Chair; dan Mask Aligner For Education and Research. IP masing-masing milik empat syarikat terbitan staf UniMAP iaitu Manggo Lestari Consult Sdn. Bhd.; E Prolink Sdn. Bhd.; HAAS Solution Sdn. Bhd.; dan SWZ Engineering Consultant Sdn. Bhd. serta satu syarikat luar iaitu IC-EZ Sdn. Bhd.

Menurut Naib Canselor UniMAP Dato' Prof. Dr. Zul Azhar Zahid Jamal, empat syarikat terbitan itu telah diluluskan penubuhannya sekaligus mendapat kebenaran untuk IP dilelesenkan oleh penyelidik UniMAP sendiri. Majlis turut disaksikan oleh Menteri Pendidikan Tinggi, Datuk Seri Idris Jusoh yang dalam lawatan kerja seharinya ke Perlis bersama pengurusan tertinggi UniMAP. Pada majlis yang sama, UniMAP turut melancarkan empat Syarikat Terbitannya di bawah inisiatif pengkomersilan UniMAP. Untuk rekod, jumlah harta intelek UniMAP bermula dari penubuhannya sehingga kini telah mencecah 153 IP.

